

ARUWANUWEN MWIICHENAP

A SUUK ME FIIS WON MOEN IS. TRUK STATE F.S.M. NON SARINFAN

RUWANUWEN MAY ENGOROU TIWEPUKU WANIK ME EW

NAMOPUNG NO: 1-155

EW NAMOPUNG

A awora ukukun \$21,000 seni ewe Monienapen ewe Legislature-un Chuuk ren fan asengessin monien public projects non Dublon me Etten, me pwan ren ekkoch popun.

Epwe Pung Me Ren Ewe Legislature-un Chuuk.

Tetten 1. Iei a kawor ukukun \$21,000, ika fite ukukun mei namot ren an epwe tongeni naf seni ewe Monienapen ewe Legislature-un Chuuk ren fan asengessin monien public projects fan iten Dublon Municipality ren ekkei ukukun mei ettiw fan:

1. Ew me ew ekkei kinikin epwe wiseni \$4,200 ren fan iten ar kei public projects:

- (a) Kuchua -----Utten Fonu
- (b) Enin -----Pioing
- (c) Sangku -----Konik
- (d) Yongku -----Utten Fonu
- (e) Kokku -----Oror

Tetten 2. (a). Ei ukukun moni mei kawor non Tetten 1 epwe einet ika no-ngeni ewe Director-un Putaen Public Affairs, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei esemwo it ne nounou ika esemwo nussuno non September 30, 1982, epwe niwin sefaan ngeni ewe Monienapen ewe Legislature-un Chuuk.

(b). Ewe Director-un Putaen Public Affairs epwap tongeni chok atou moni ika pwe a tori planin me popunapen nounoun ewe moni me ren ewe Samonun Muun Fonu, ika ion a finita pwe epwe fori ewe fan iten ewe Samon.

Tetten 3. Ewe Director epwe awora an repot won napanapen nounoun me mwokutukutun ei moni ngeni ewe Legislature me mwen April 15, 1982, epwe affatatiw:

- 1) unusen porausen nounoun ewe moni fongon me ukukun nussun

mei chiwen wor non April 1, 1982; pwan

2) met sakkun atoot ika anapanap ren ewe nussun moni esemwo
nouncu non met ukukun nussun ewe Fiscal Year, nge och sopesopun
reput epwe pwan kawor nefinen 20 ran murin soponon ewe Fiscal
Year ngeni ewe Legislature ika ew committee mei finita, epwe
affatatiw napanapen nounoun me mwokutukutun ewe moni.


Teuten 4. Ei Namopung epwe poputa pochokunan non October 1, 1981,
ika a kapunguno me ren ewe Kepina, ika pusin winita annuk, nge esemwo
kapunguno.

Sain seni:



Tadashi C. Wainit, Speaker
Truk Legislature

Annetata:




Datasi Albert
Legislative Chief Clerk/Secretary
Truk Legislature

Pwinin maram:

July 7, 1981

Kapunguno seni:



Erhart Aten, Governor
Truk State Government

Pwinin maram:

July 15, 1981